

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 138. stav 1. i članom 139. stav 1. Poslovnika Skupštine Zeničko-dobojskog kantona-Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19 i 7/20), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 95. sjednici, održanoj dana 24.02.2021. godine, d o n o s i

ZAKLJUČAK

I.

Vlada Zeničko-dobojskog kantona ne prihvata Amandman I poslanika Enesa Piljuga u Skupštini Zeničko-dobojskog kantona, na Prijedlog Zakona o izmjenama i dopunama Zakona o šumama.

II.

Zaključak sa obrazloženjem u kome su sadržani razlozi zbog koji se ne prihvata Amandman I upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____/21

Datum, 24.02.2021. godine

Zenica

DOSTAVLJENO:

1x Ministarstvo za poljoprivredu, šumarstvo i
vodoprivredu,

1x Stručna služba Skupštine,

1x a/a.

Obrazloženje

I PRAVNI OSNOV:

Član 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), a u vezi sa članom 138. stav 1. i članom 139. stav 1. Poslovnika Skupštine Zeničko-dobojskog kantona-Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19 i 7/20).

II RAZLOZI ZA DONOŠENJE:

Aktom Stručne službe Skupštine Zeničko-dobojskog kantona broj: 01-02-1402-2/21 od 23.02.2021. godine, zaprimljen u Ministarstvo za poljoprivredu, šumarstvo i vodoprivredu elektronskom poštom dana 23.02.2021. godine, od Vlade Zeničko-dobojskog kantona traženo je Izjašnjenje na Amandman I i II poslanika Enesa Piljuga, podnesen na Prijedlog Zakona o izmjenama i dopunama Zakona o šumama. Istog dana, Stručna služba Vlade Zeničko-dobojskog kantona elektronskom poštom uputila je u Ministarstvo za poljoprivredu, šumarstvo i vodoprivredu Amnadmane I i II. Amandman I glasi:

AMANDMAN I

*„Član 17. Promet drveta i nedrvetnih šumskih proizvoda
U Prijedlogu Zakona o izmjenama i dopunama Zakona o šumama brisati član 3. (Izmjena i dopuna člana 17. Zakona).
Dosadašnji član 17. ostaje nepromijenjen“.*

Kako su u nazivu člana 17. Zakona o šumama („Službene novine Zeničko-dobojskog kantona“, broj: 8/13 i 1/15) (u daljem tekstu: Zakon) definisani uslovi prometa drveta i nedrvenih šumskih proizvoda, u nastavku teksta dajemo slijedeće obrazloženje za izmjene člana 17. Zakona:

Vlada Federacije BiH donijela je Odluku o načinu prodaje šumskih drvnih sortimenata porijeklom iz državnih šuma na teritoriji Federacije BiH („Službene novine Federacije BiH“, broj: 52/09 i 25/10), kojom je dozvoljena prodaja drvnih sortimenata na način kako je propisano u članu 7. stav 2, a koja glasi: „U šumi na panju (uzgojne sječe u visokim degradiranim i izdanačkim šumama i mjere njege u šumskim kulturama), odobrava se sječa kupcu uz prethodno odabiranje i obilježavanje stabala za sječu i nadzor od strane prodavca. Nakon izvršene sječe i izvlačenja iz šume do međustovarišta vrši se premjeravanje drveta od strane prodavca i uplata od strane kupca. Po izvršenoj uplati i predočavanju uplatnice od strane kupca drvo se može staviti u promet uz odgovarajući otpremni dokument“.

Odredbom člana 6. stav (1) Zakona propisano je da se šumama na području jednog šumskoprivrednog područja gospodari po odredbama šumsko-privredne osnove, privremenog godišnjeg plana gospodarenja, godišnjeg plana gospodarenja i projekta za izvođenje radova u šumarstvu. Samim tim, šumsko-privredna osnova predstavlja osnovni dokument na osnovu koje se izrađuju godišnji planovi gospodarenja šumom i šumskim zemljištem. Šumsko-privredna osnova izrađuje se za period od 10 godina i njene odredbe su obavezujuće.

Odredbom člana 3. tačkom 23. Zakona data je definicija šumske infrastrukture, u kojoj je navedeno da istu čine, između ostalih, i stalne žičare. U skladu sa navedenim, prilikom izrade projekta za izvođenje radova u šumarstvu, projektant može predložiti način izvoza šumskih drvnih sortimenata koristeći stalne žičare u skladu sa uslovima na terenu ili kombinovani način izvoza šumskodrvnih sortimenata (traktorom, žičarama, animalom), a u skladu sa šumsko-privrednom

osnovom.

Također članom 3. tačkom 24. alinejom a) definisan je pojam šumskih proizvoda, na način da iste čine šumsko drveće i žbunje i svi njihovi dijelovi. Projektom koji je izrađuje u skladu sa šumsko-privrednom osnovom se definiše da određeni procent biomase ostaje u sastojini (obično 20-30 %) dok ostali dio je čak i poželjno ukloniti u cilju smanjenja požarne opasnosti u skladu sa federalnim Zakonom o zaštiti od požara i vatrogastvu, kao i Pravilnikom o sadržaju planova za zaštitu šuma od požara („Službene novine Zeničko-dobojskog kantona“, broj: 13/13). Svjedoci smo da se grane i ovršice u šumi ostavljaju u potocima, suhodolima, vododerinama što predstavlja opasnost kada nastupi kišni period te ponese taj tzv. otpad te se gomilajući zaustavi na nekom mostu i napravi čep odakle dolazi do razarujućeg dejstva poplava. Ovim putem bi se to dijelom otklonilo a drugim dijelom bi došlo do povećanja ekonomskog prihoda za preduzeće šumarstva kao dodatni prihod koji je do sada ostajao u šumi a ostajao je u šumi iz razloga ekonomske neisplativosti izvoza što bi ovim izmjenama se promijenilo.

Shodno navedenom, predloženim mogućim načinom izvoza šumski drvnih sortimenata žičarama neugrožava se stabilnost šuma i njihove funkcije, kako to navodi poslanik Enes Piljug u razlozima za osporavanje predložene izmjene člana 17. Zakona.